

s'affermit pour l'ordinaire que par vne reffemblance d'humeurs, ou par les enfans que Dieu leur donne, ou par vn long-temps, & par vne longue & mutuelle conuerfation par ensemble: Comme donc nous rejections nos ieunes gens, leur promettant le baptesme quand ils feroient mariés; ils nous venoient fouuent trouuer & nous difoient: Ou baptife nous fans nous marier, ou nous trouue des filles propres pour nous; veux-tu nous perdre, fi nous mourions dans les bois, s'il nous arriue quelque accident allans à la chaffe, que deuiendront nos ames, tu nous fais trembler par le recit des feux & des tourmens de l'Enfer, & tu ne [71] veux pas nous déliurer de ce peril: Enfin, comme il falloit ce Printemps partir pour aller à la guerre, ils dirent tous deux à leurs Capitaines, qu'ils ne marcheroient point s'ils n'estoiēt baptifés, & qu'ils craignoient de mourir deuant que de receuoir ce Sacrement, ils promirent de plutoft iamais ne se marier, s'ils ne trouuoient des Chrestiennes: Je me foucie bien de mariage, difoit l'vn d'eux, vous ne procedés pas bien, nous difoit-il, ie vous parle du ciel & du Baptesme, & vous me parlés de me marier; Vne femme effacera-t'elle mes pechés? Il se fafcha fi biē qu'il nous dit: Je voy bien ce que c'est, vous voulés que ie fois damné, vous me faites perdre cœur: mais vous refpondrés de mon ame. Enfin nonobstant les peines que nous apprehendons pour leurs mariages, nous les baptifames à leur grand contentement: Le plus ieune a esté esleu Capitaine; & nostre Seigneur depuis qu'il est Chrestien, luy a donné vne ieune femme Chrestienne, qui ne le pouuoit aimer deuant qu'il fust enfant de Dieu; ils ont esté mariés publiquement à la venuē des Vaiffeaux.